

ኢየሱሴ ቲንቢቲ ጊዶ ቆፋ

ናቤ ኢየሱሴ ሃይሳ ቢታ ቦላ አይደጅ አይደ ጋካናስ ደኢዳኮ
ኢዛ ዱሳ ገሻስ ኤሬቲዛ ዳሮ ሚሺ ዳና፤ ጊዶ አቲን ማጻፋዚ
ቤቲዳይ ኪርስቶስ ዬሌታናፕ ካሴ 500 ላይላ ሄራን ዎይኮ 400
ላይላ ሄራን ጊዳና ጌቲቲ ቆፊቲስ። ሄሲ ሄ ዎዴዚካ ፓሪሴ ካዎቲላ
ዎዴና፤ ኢየሱሴ ኢስራኤል ዴሬን ዎልቃማ ቦሌይ ዴንዲዲ ዳሮ
ሚሽ ዋሪን ኮሻይ ቢታ ቦላ ዴንዲዲይሳ ዮቲስ፤ ሄይቲ ሄ ሃኖቲ
ጎዳ ዩሳ ጋላሳይ ማቲሺን ኢዛ ጌሻ ቆፋራ ኤቄቲዛይታ ኡባ ኢዚ
ቃጸያናይሳ ጉጂዲ ኤሪሴስ። ናቤዚ ዳሬይ ማሮቲላን ጌላና ማላ
ጸሲ አሳ ጸይጊዛይሳ ቆንጪሴላን አሳይ ማሮቲላን ጌሊኮ ኢዚካ
ቤኒ ዳሬዛ ሃኖቲላኮ ሲሚዲ ዳራ አንጃናይሳ አሳ ቆፍሴስ፤ ኢዛ
ቲንቢቲዛ ጊዶፊ ኬሂ ቆንጪ ቤቲዛ ኡፋይሳ ቃላይ ጸሲ ማጫኔ
አቲማ ናቲላታ ቦላ፤ ዴሬዛ ኡባ ቦላካ ባ አያና
ዬዳናይሳ ቆንጪሴስ።

ሃ ማጻፋይ ኦይኪዳ ኩሜላ ቆፋ

ቦሌኔ ሞርኬ ኦላ 1:1—2:17

ጎዳ ጋላስ 2:18-32

ጎዳይ ካዎቲላታ ቃጸያና ቃጸዮ 3:1-21

ቦሌይ ጋሊዳ ቆሆ

¹ ሲንላፌ ሃናናይሳ ጸሲ ኢየሱሴስ ዮቲዳ ቃላይ ሃይሳ፤

² ኢንቲ ጪማቲ ሃይሳ ሲዪቲ፤

ዩሁዳ ዴሬን ዲዛይቲ ዉሪካ

ሃይሳ ኤዘጊ ሲዪቲ።

ሃይሳ ማላ ሃናይ ካሴ

ኢንቲ ዎዴ ጊዳን ዎይኮ

ካሴ ኢንቲ አዋታ ዎዴ

ሃኒ ኤሪዜ?

³ ኢንቲ ሃይሳ ኢንቲ ናይታስ ዮቲቲ፤

ኢንቲ ናይቲ ቃሴ

ባንታ ናይታስ ዮቲቶ፤

ናይታ ናይቲካ

ካሊዛ ዬሌታስ ዮቲቶ።

⁴ ጎንዶይ ሚሺን አቲዳ ካላ

ቢታ ማቴ ቦሌይ ሚዴሰ፤
ኢዛፔ ኣቲዳይሳ ኡሾ ጫርኮላ
ሾጪዛ ዲኦ ማላ
ቦሌይ ጳይሲዴሰ፤
ኢዛፔ ኣቲዳይሳ ቃሴ
ጉሞባሮይ ሚዴሰ።

5 ሄሳፌ ጉዬ ዋይኔ ኡሹ
ኢንቴ ዴሞንታ
ጊሻሰ ዬኪቴ፤
ኢንቴኖ ማሐዛይቶ!
ኢንቴ ጳሰኪዛሶፔ
ቤጊዲ ዋሲቴ፤
ኢንቴኖ ዋንታን ዋንታን
ዋይኔ ኡሹ ኡዪዛይቶ!
ጫሞ ዬሆ ዬኪቴ።

6 ቆዳይ ባይንዳ ቦሌይ
ኦላ ኣሳ ማላ
ታ ዴሬዛ ቦላ ዪዴሰ፤
ኢዛ ኣቻይ
ጋሞ ኣቻ ማላ፤
ኢዛ ጋጊና ኣቻይ
ማጫ ጋሞ
ጋጊና ኣቻ ማላ።
7 ታ ዋይኔ ሚላ ኣይፌዛ
ሙሌራ ጳይሲዴሰ፤
ባላሴ ጌቴቲዛ ሚላ
ኡባ ሜንሐሬሊዴሰ፤
ሚላ ሃጋቲ
ሙሌራ ቦጸና ጋካናሰ
ፖቆዛ ሙሌራ ፖቂ
ዴንሲቺዴሰ።

8 ሄሳ ጊሻሰ ኢዞ ኤካና
ጊግሲዳይሲ ሃይቂን
ማቃ ማይኣዳ ዬኪዛ
ጌላኦይ ማላ ኢንቴካ ዬኪቴ።

9 ጎዳ ኬፋን ያርሾሰ ሺቃና
ካሐ ጊዲን ዋይኮ

- ዎይኔ ኡሻይ ባይንዳ ጊሻስ
ጎዳስ ኦሊዛ ቄሴቲ
ዬኬቴስ።
- 10 ጎዱዲ ዜሪዳ ካላይ ሜሊ ጳዪን
ዎይኔ ሚላይ ቶኬቲዲ
ሜሊዳ ጊሻስ ዛይቲይ ጳይዴስ፤
ሄሳ ጊሻስ
ቢታያ ዬካዉስ።
- 11 ጊስቴይኔ ባንጋይ ሃራይካ
ቦኔ ካሊ ዉሪካ
ጳይዳ ጊሻስ
ኢንቴኖ ጎሻንቻቶ
ጨጨቲ፤
ኢንቴኖ፥ ዎይኔ ሚላታ
ጎዳቲካ ዬኪቴ።
- 12 ዎይኔ ሚላቲኔ ባላሴ
ሚላቲ ሹሊዳ፤
ኦሮማኔኔ ቴሚሬ ሚላቲ፥
ላዴይኔ ሃራ ኣይፌ ኣይፊዛ
ሚላቲ ዉሪካ ሜሊዳ፤
ሄሳ ጋሶን ኣዳፌ
ኡፋይሲ ኣሳፔ ሃኪዴስ። *
- 13 ኢንቴ ኢንቴ ጸሳ
ያርሾ ሺሺዛ ካላ ጊዲን
ዎይኮ ዎይኔ ኡሺ
ባይንዳ ጊሻስ
ኢንቴኖ ታ ጎዳ
ኦሳንቻታ ጊዲዳ
ቄሴቶ! ኣኔ ሃ ዪዲ
ማቃ ማይኢዲ
ኩሜላ ኦማርስ ዬኪቴ።
ኢንቴኖ ያርሾ ያርሺዛሶን
ኦሊዛይቶ!
ኢንቴ፥ «ዉ! ዉይ!» ጊ ዋሲቴ።
- 14 ዲማ ጸማ ጋላስ ኣዋጁቴ፤
ኣያና ሺቆስ ኣሳ ጴይጊቴ፤

* 1:12 ላዴ፥ ላዴ ጌቴቲዛይሲ ኢሲ ኢሲ ባጋ ጋሞላ ቃላን ጳዩ ጌቴቴስ።

- ዴሬን ዲዛ ጨማታኔ አሳ ኡባ
ኑ ጎዳ ኩፋን ሺሺዲ
ፑዴ ጎዳኮ ዋሲቴ።
- 15 አዩ አና! ጎዳ ጋላሲ ማቲዴሰ።
ኡባ ዳንዳይዛ ጸሳይ
ቆይሲዛዝ ኤሂዛ
ጋላሲ ጋኪዴሰ።
ሄ ጋላሳይሰ አዩ አና!
- 16 ካሊ ኑ ሲንፋፌ ቆይዴሰ፤
ኡፋይሲኔ ኢሊሲ ኑ ጸሳ
ኬፋፌ ሙሌ ቆይዴሰ።
- 17 ዜሬቲዳ ካላይ
ዉሪ ቢታ ጋርሳን
ዋቂ ቆይዴሰ፤
ካሊ ቢታፌ ቆይዳ ጊሻሰ
ካሴ ካላ ዋሊዛ ሚሻቲ
ዉሪካ ሜላ ዴቴሰ።
ጎታራቲካ ላሌቲዳ።
- 18 ሜሄይ ሚዛ ማታይ ጋዴን
ባይንዳ ጊሻሰ
ሜሄቲ ኮሻቲዲ ዋሴቴሰ፤
ደርሳ ዉዴቲካ ማታይ ቆዩን
ዳሮ ዋዬ ቦላ ዴቴሰ።
- 19 ጎዳዉ! ዴምባ ማታ ኡባ
ታማይ ሚዳ ጊሻሰ
ዋራ ሚላካ
ታማይ ሚዳ ጊሻሰ
ታ ኔኮ ዋሳይሰ።
- 20 ሻፋቲ ሜሊዳ ጊሻሰ
ዴምባን ዲዛ ማታይ ዉሪካ
ጸጌቲዳ ጊሻሰ
ዋራ ዶኦቲካ
ኔኮ ዋሴቴሰ።

2

ጸሳ ዩሳ ጋላሰ ቤሲዛ ማላታ

- 1 ጸዮኔን ዛዬ ዛዩቴ፤
 ጌሻ ዙማ ቦላ ዋሲቴ!
 ጎዳ ዩሳ ጋላሲ
 ጋኪዳ ጌሻሰ
 ቢታ ቦላ ዲዛይ
 ወሪካ ኮኮሮ።
- 2 ሄ ጋላሳይ ቋማኔ
 ቱላላ ጋላሳ፤
 ሻራኔ ሳካና
 ቋማ ጋላሳ፤
 ዋንታ ፖኦይ ኤሶን
 ዙማታ ጋኪዛ ማላ
 ዋልቃማ ቦሌይ
 ቢታ ኡባን ማይኣና፤
 ሄሳ ማላይ
 ሃይሳፌ ካሴ ሃኒቤና፤
 ሃይሳፌ ጉዩንካ ሃኔና።
- 3 ሄ ቦሌቲ ባ ሲንፋን ቤቲዳዚ
 ኡባ ታማ ማላ ማና፤
 ታማ ላጮ ማላ ጸጋና፤
 ቡሮ ኢሰታ ጋኮንታ ቢታይ
 ኤዴኔ ጋናቱ ማላ
 ጨሊላ ቢታ ሸን
 ኢሰቲ ጋኪ ኣቋዳ ቢታይ
 ኣይኮይ ባይንዳ
 ባዞ ቢታ ጌዳና፤
 ቦሌቲ ሚሽን ኣቲዳ
 ሚሽካ ቤቴና።
- 4 ኢሰታሰ ሜዳይ ፓራ ማላ፤
 ኢሰታ ቡሳይ
 ኦላ ፓራ ቡሳ ማላ።
- 5 ፓራ-ጋራ ጌሪሳ ማላ
 ጌሪሰ ሲሲሾ
 ዙማታ ቦላራ ጉፔቲሰ፤
 ታማይ ቡራ ሚዛ ማላ
 ቤቲዳ ሚሻ
 ኡባ ጸጋና፤
 ጌቴዳ ሚኖ ኦላንቻታ

- ሳልፌ ማላ ገሬቴሰ።
- 6 ኢስታ ቤኢዲ ዳሬይ ኮኮራና፤
ኣሳ ኣይፌሶይ ዉሪካ
ባቦን ቦታና።
- 7 ኦላ ቃራታ ማላ
ጌዴ ሲንፔ ቤቴሰ፤
ኦላንቻታ ማላ
ዲርሳ ቦላራ ጉፒ ኣቆና፤
ዉሪካ ሰቲ ገዲ
ጌዴ ሲንፔ ባና፤
ባ ቢዛ ኦጌፔ ሃራ ኦጌ ቤቴና።
- 8 ኢሶይ ኢሳራ ሱጌቴቴና፤
ኢሶይ ኢሶይ ባ ኦጌ ዬዴና፤
ባ ሞርኬ ኦላ ሚሽ ኡባ
ቆይሲዲ ኣቂ ባና፤
ኣይኮይካ ኢስታ ቴቁና።
- 9 ኢስቲ ካታማዛ ዋራጃና፤
ካታማ ጊምቤዛ ቦላ
ኢስቲ ዋጸና፤
ጉፒ ጉፒዲ
ኬፋታ ቦላ ኬዛና፤
ካይሶ ማላ ማስኮቴራ
ሶ ጌላና።
- 10 ቢታይ ኢስታ ሲንፋን ኮኮራና
ሳሎይካ ቃጸና፤
ኣዋ ኣይፌይኔ ኣገናይ ቋማና፤
ጸሊንቴይካ ፖኦ ኢማና።
- 11 ጎዳይ ባ ኦላንቻታ
ሲንፋን ዳዳ ማላ ጉማና፤
ኢዛ ኦላንቻቲ ኣይ ማላ ዳሮ!
ኢዛ ኣዛዞ ኦሊዛይቲ
ኣይ ማላ ዋልቃማ!
ቱማፔካ ጎዳ ጋላሳይ
ኬሂ ዋልቃማ፤
ኬሂ ባቢሲዛ ሄ ጋላሳ
ዳንዳይ ኤቃናይ ኦኔ?

ማሪቴላ ዴይሰ

- 12 ጎዳይ፥ «ሃኢካ ጊዲኮ
ጸማን ዩሆኒኔ ጨጭን ኢንቴ
ኩሜላ ዋዚናፔ
ሃ ታኮ ሲሚቱ።
- 13 ኢንቴ ኢንቴ ካዮ ቤሳናስ
ማይኦ ዳኬሐ ጸላ ጊዴና፤
ሄሳፌ ቦላራ ኢንቴ ዋዚናይ
ሜቂን ማሪቲቱ፤
ጎዳ ኢንቴ ጸሳይ
ኪያኔ ማሪዛ ጸሳ፥
ሃንቆስካ ኤሶቴና፤
ሜርና ሲቆን ኢዚ ዱሬኔ
ቃጸያናስ ኤሶቶንታ ጸሳ፤
ሄሳ ጊሻስ ኢንቴ
ኢዛኮ ሲሚቱ።
- 14 እኔ ኤሪዛይ ጎዳ ኢንቴ ጸሳይ
ባ ሃንቆዛ ዛሪዲ
ኢንቴና ኣንጃናኮ፥
ኢንቴካ ሄ ዋዴ ጎዳ
ኢንቴ ጸሳስ ካላ ያርሾኔ
ኡሻ ያርሾ ሺሻንዴታ።
- 15 ጸዮኔ ዙማ ቦላ ዛዬ ፑኒቲ፤
ዴሬዛ ኣያና ሺቆስ ዴይጊቲ፤
ጸማካ ኣዋጁቲ።
- 16 ዴሬዛ ኡባ ኢሲ ሶ ሺሺቲ፤
ጌሻ ዲላታስ ጊግሲቲ፤
ጨማታ ዴይጊቲ፤
ናይታኔ ቡሮ ጳሚዛ
ናይታካ ኡባ ሺሺቲ፤
ሚሺራቲካ ሚሺራ ኬላፌ
ኣቶንታ ኬዜቶ።
- 17 ጎዳስ ኦላዛ ቄሴቲካ
ያርሾ ያርሺዛሶዛሲኔ
ኣሲ ሲሜሪቲዛሶ
ጊዶን ኤቂዲ ዩኬቶ፤
ጎዳዉ! ኔኒ ኔ ዴሬዛስ ቃዴታ፤
ካዋቲላቲ ኢስታ ጸሳይ
ኣዋን ዲዜ?

ጊዲ ኑና ካጻናሲኔ
ኢስቲ ኑ ቦላ
ሚጨ ካእና ማላ
ኔ ኢስታ ኦሶፋ» ጌቶ።

ጎዳይ ባ ዴራስ ኢሚዳ ሂዶታ

18 ጎዳይ ቢታይስ ዲዛ
ሚሼቴላፌ ዴንዲዳይሳን
ባ ዴሬዛስ ቃጼቲዴስ።

19 ሄሳ ጊሻስ ጎዳይ፥
«ኢንቴ ካል፥ ዎይኔ ኡሺኔ
ዎጋራ ዛይቴ ካላና ጋካናስ
ታ ኢንቴስ ኢማናስ
ሃይሳፌ ጉዬ
ካዎቴላቲ ኢንቴና
ባስ ካሳ ሚሽ ሂስታና ማላ
ታ ኢስታስ ኦላ ኢሚኬ።

20 ፑዴሃፔ ያና ኦላንቻታ
ታ ኢንቴፌ ሃሳና፤
ዲጌ ባዞ ዛራ ጎዳና፤
ሲንላቲ ዪዛይታ ዲጌ
ሃይቆ ኦባን ዬዳና፤
ጉዬራ ዪዛይታ ሚዲቴራኔ
ኦባን ዬዳና፤
ሄን ኢስታ ኦሃይ ዜቃና፤
ቱማፔ ታኒ ጎዳይ
ጌታ ሚሽ ኦላዲስ።

21 ቢታዬ ባቦፋ፤
ጎዳይ ኔስ ኦሊዳ
ጌታ ሚሻ ጊሻስ ኡፋዬታ!

22 ኢንቴኖ ቢታ ቦላ ዲዛ
ደእቶ ባቦፍቲ፤
ካሴ ኢንቴ ኢዛን ሄሜቲዛ
ጋዴይ ጨሊሊዴስ፤
ሚላቲካ ኦይፊዳ፤ ባላሴይኔ
ዎይኔ ሚላይ
ከሂ ዳሮ ኦይፊዴስ።

23 ኢንቴኖ ጸዮኔ ዴሬቶ፥

- ጎዳን እንቲ ጸሳን
ኡፋይሲ ኦሊቴ፤
ኢዚ ቱመ፡ ፒርዲዲ
ባጄሳ ኢራኔ
ኦፊንፋ ኢራ ዋጋራ አሚዳሰ።
- 24 እንቲ ካሴ ካል ቡኪዛ ባሌን
ካሊ ኩማና፤
ዋይኔ ኡሺኔ
ዋጋራ ሚላ ዛይቲይ
ካሴ ኢሰታን ጉምኤቲዛ
ኦላታ ኩሚ ፓላሃና።
- 25 ሃይሳፌ ካሴ ዋልቃማ ኦላንቻ
ሚሳቲዛ ታ ዬዲዳ ኡሾ
ጫርኮሶ ሾጪዛ ቦሌቲ፥
ጉምባሮቲኔ ጎንደቲ፥
ካሴ ሚዳ ካላ ጊሻሰ
ታ እንቲሰ ዛራ አማና።
- 26 እንቲ ቡሮ ዳሮ ሚዲ ካላና፤
እንቲሰ ማላሊሲዛ ሚሻታ
ታ ኦሊዳ ጊሻሰ
እንቲ ታና ጎዳ
እንቲ ጸሳ ጋላታና፤
ሃይሳፌ ጉዬ ታ ዴራ
ዬላይ ጋኬና።
- 27 ኢሰራኤል አሳቶ
ታኒ እንቲ ጊዶን ዲዛይሳኔ
ጎዳ እንቲ ጸሲ
ታና ጸላ ጊዲዳይሳኔ
ታፔ ሃራይ ባይንዳይሳ
እንቲ ኤራና፤
ሃሳፌ ጉዬ ታ ዴሬዛ
ዬላይ ጋኬና» ጊዳሰ።

ጎዳ ጋላሳ

- 28 ጎዳይ፥ «ሃይሳፌ ጉዬ
ታኒ አሳ ኡባ ቦላ
ታ ኢያና ጉሳና፤
እንቲ ማጫ ናይቲኔ አቱማ
ናይቲ ቲንቢቲ ሃሳያና፤

- ጨማ አሳይካ አጉሞ አጉሜታና፤
 ዩላጋ ናቴላቲ አጁታ ቤያና።
- 29 ሄሳላካ ሄ ጋላሳታን
 ታስ ኦሲዛ ማጫሳ ቦላኔ
 አቱማሳ ቦላ ታኒ
 ታ አያና ጉሳና።
- 30 ሳሎኒኔ ሳአን ማላሊሲዛ
 ሚሻታ ታ ቤሳና፤
 ሱሴ፥ ታማይኔ
 ጨዋ ቱሲ ቤታና።
- 31 ጌታ ባቢሲዛ ጎዳ ጋላሳይ
 ያናፔ ካሴቲዲ አርሼይ ቋማና፤
 አገናይካ ሱሴ አሳና።
- 32 ጎዳ ሱንሐ ጸይጊዛይ
 ዉሪካ አታና፤
 ጎዳይ ካሴ
 ዮቲዳ ማላ
 ጸዮኔ ዙማ ቦላፌኔ
 ዩሩሳላማፔ
 አቶቴሊ ቤታና፤
 አታናይታ ጋርሳን ጎዳይ
 ጸይጊዳይቲ ዳና» ጌዴሰ።

3

- ካዎቴላታ ቦላ ዪዳ ፒርዳ
- 1 ጸሲ፥ «ሄ ዎዴ ታኒ ዩሩሳላማፔኔ
 ዩሁዳፔ ዲኤቲ ኤኬቲዳ
 ሚሻ ኡባ ዛራና።
- 2 ታኒ ካዎቴላታ
 ኡባ ሺሻዳ
 ዲጌ ኢዮሳፊዶ
 ዙሌ ዎላና፤*
 ሄንካ ታ ኢሰታ ቦላ ፒርዳና፤
 ጋሶይካ ታ ዴሬ ኢሰራኤሌ አሳ

2:28 ሃዋ 2:17-21 2:31 ማቶ 24:29፤ ማር 13:24-25፤ ሉቃ 21:25፤ አጁ
 6:12-13 2:32 ኦር 10:13 * 3:2 ኢብራዊታ ቃላራ ኢዮሳፊዶ ጉሲ ጸሲ
 ፒርዴሰ ጉሳ።

- ካዎቱላታ ጊደን ላሊዲ
ኢስቲ ቢታ ገሼቲ
ኤኪዳ ገሻሳ።
- 3 ኢስቲ ባ ዲኢ ኤሂዳ
ታ ዴሬታ ገሼቲ ኤካናስ
ኢስታ ቦላ ሳማ ዩጊዳ፤
ላይማ ማጫሳታ ደማናስ
ኣቱማ ናይታ ኣሊ ኢሚዳ፤
ዎይኔ ኡሹ ኡያናስ
ማጫ ናይታ
ኣይሌቴላስ ባይዚዳ።
- 4 ኢንቴኖ ጸርሴ፥
ሲዶናኔ ፊሊስጾሜ አሳቶ!
ኢንቴ ኣይ ኦሊሼ ዴቲ?
ኢንቴ ታ ቦላ
ሃሎ ኬሳና ቆፔቲ?
ኢንቴ ሄሳ ማላ ቆፒኮ
ታኒካ ካሴታዳ ኢንቴ ቦላ
ሃሎ ኬሳና።
- 5 ታ ቢራ፥ ዋርቃኔ
ታስ ዲዛ ኣልኦ ሚሽ
ኡባ ኢንቴ ቦንቂ ኤኪዲ
ኢንቴ ኤቃ ኬላ ጌልሊዴታ።
- 6 ዩሁዳኔ ዩሩሳላሚ ዩሌታታ
ኢስታ ዴሬ ዳሳፌ ሃሲ ኤፊዲ
ጊሪኬ ኣሳስ ባይዚዴታ።
- 7 «ሄኮ ታኒ ሃኢ ኢስቲ ባይዚቲ ዲዛሶፔ ኢስታ ዴንፊላዳ
ዛራና፤ ኢንቴ ኢስታ ቦላ ጋሊዳ ቆሆዛ ታ ኢንቴ ቦላ ዛራ ኤሃና።
- 8 ኢንቴ ማጫ ናይቲኔ ኣቱማ ናይቲ ዩሁዳ ኣሳስ ባይዚታና ማላ
ታ ኦላና፤ ኢስቲካ ሃሆ ዴሬን ዲዛ ሳባኔ ኣሳስ ኣሊ ባይዛና፤ ሃይሳ
ዉርሳ ዮቲዳይ ታና ጎዳ።
- 9 «ሃይሳ ኡባ
ካዎቱላታስ ኣዋጂቲ!
ኦላስ ገሼቲቲ!
ኦላ ቃራታ ዴንፊሊቲ!
ኢንቴ ኦላንቻቲ ኡባይ

- ኬዚዲ ሞርኬታ ኦሌቶ!
- 10 ማራሻ ገላ ማሻ ቆጶቴ፤
 ባጫ ቃሴ ቶራ ቆጶቴ፤
 ላፋይካ ባና፤
 ታኒ ሚኖ አሳ፡ ጎ።
- 11 አንቴኖ ዩዩ አቆናሰ ዲዛ ካዎቴላቶ!
 አንቴ ወሪካ ኤሶን ኬዚቴ!
 ሂርኪ ሾባን ኢሲ ቦላ ሺቂቴ።
 ጎዳዉ፥ ኔኒ
 ኔ ኦላንቻታ ኪታ!
- 12 «ካዎቴላቲ ኡባይ ዴንዲዲ
 ዲጌ ኢዮሳፊጾ ሾባ ቤቶ፤
 ታኒ ጸሳይ አንቴ ዩሾን ዲዛ
 ካዎቴላታ ቦላ ፒርዳናሰ
 ታ ሄን ኡታና።
- 13 አሰታ አታቴሉ ኬሂ ዳሪዴሰ፤
 ሄሳ ገሻሰ ካጺዳ ካሉ
 ባጫን ጫኬቲዛ ማላ
 አሰታ ጫኬቴ፤
 ዎይኔ ሚላ አይፌይ
 ጉሞኤቲዛሶን ኩሚዲ
 ዩጴቲዛ ማላ
 አንቴ አሰታ ዩጴቲቴ» ገዴሰ።
- 14 ዮኦ ፒርዲዛ ዙሌን
 ጎዳይ ፒርዲዛ ጋላሲ ጋኪዴሰ፤
 ሄሳ ገሻሰ ዳሮ ዴሬይ
 ሄን ሺቂ ኡቲዴሰ።
- 15 ሄ ጋላሰ አርሼይኔ
 አገናይ ቋማና፤
 ጸሊንቴይካ ፖኤና።
- 16 ጎዳይ ጸዮኔ ዙማ ቦላ
 ዩሩሳላሜን ዲሼ
 ባቢሲዛ ባ ቃላ ገሪሰ ሲሳና፤
 ሳሎይኔ ሳኦይ ቃጻና፤

ጎዳይ ጊዲኮ
ባ ዴሬ ኢሰራኤሌስ
ሺቂ አቲዛሶ ጊዳና።

ጾሳ ዴራ አንጃቲል

- 17 «ኢሰራኤሌ አሳዉ! ሄ ዋዴ ታኒ
ጎዳ አንቲ ጾሳ ጊዲዳይሳ
አንቲ ኤራና፤
ታኒ ጌሽ ጊዲዳ ታ ዙማ
ጸዮኔ ቦላ ዴኣና፤
ዬሩሳላሜይ አንጃቲዳ
ካታማ ጊዳና፤
ሄሳፌ ጉዬ ሃራ አላጋ ዋታዳራይ
ኢዘ ዋራጃና።

- 18 «ሄ ዋዴ ዙማቲ ዉሪካ
ዋይኔ ሚላን ኩማና፤
ዙምቡላን ዳር ማላ ሚዛቲ
ሄማታና፤
ጎዳ ኬላፌ
ፑልቶይ ፑልታና፤
ዩሁዳ ዴሬን ዲዛ ሻፋታ
ኡባ ሃሉ ኩማና፤
ሺጸሜ ሾባይ ሃሉ ካላና።

- 19 ጊብጾ አሳይኔ ኤዶሜ አሳይ
ዩሁዳ አሳ ቦላ
ጌኔ ኦሊዳ ጊሻስ
ቃሴካ ጸሎ አሳ ዋዲዳ ጊሻስ
ጊብጾይ ባዘ ጊዳና፤
ኤዶሜይ አሲ ባይንዳሶ ጊዳና።

- 20-21 ሄሳ ጋካናዉ ታኒ
ሃሎ ኬሶንታ አጊዳ
ጸሎታ ሱላ ጊሻስ
ሃሎ ኬሳና፤
ዩሁዳይኔ ዬሩሳላሜይ
ቃሴ ሚርናስ ታ ዴሬይ
ዴኢዛሶ ጊዳና፤
ታኒካ ጾሳይ
ጸዮኔ ዙማ ቦላ

ዴላና» ጊዴሰ።

ጌሻ ማጸፋ

Gamo: ጌሻ ማጸፋ Bible of Ethiopia, Ethiopic script

copyright © 2024 The Word for the World International

Language: Gamotso (Gamo)

Contributor: The Word for the World Northern Africa

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

d0ee6825-f93e-584e-8c8f-567d8d068e4b